

LEISIET KHANG KICHAI KUON THILSUOHHO



Simmun 12: June 22, 2024


"Thutah chu kichohtho'n, kijuohdoh
da'n: chihna leh hilchahna, chuleh
hetkhenthiemna jong..." (Thuchih 23:23)



Leisiet khang thusim kichaina lhun ding kuon chet leh vannuoi muntin Gospel thupha kithejal ding ahi (Matthew 24:14).

Hiche thupha kithejal ding tieng Pentecost nikho tobang chet a Lhagao Thieng hung kibolha kit ding ahi. Hichu “go nunung” ti a kisei chu ahi.

Koiho chu go nunung chang ding u ham? Pathien a kitah tah a um ding kigellhaho, athupieh nit a, aloupije vahchoiho hidiu ahi. Amaho chu “hing jing Pathien mohor” kinamkhum diu ahi (Rev. 7:2).



Phaat hahsa nunung ding a kiguotna:



Pathien Thu puihuoina.



Chalpaang a mohor kinampieh.



Kitah tah a Pathien hou.



Chung a kuon thahatna:



Go nunung.



Gospel thupha thejalna.




PHAAT HAHSA NUNUNG

DING A KIGUOTNA

PATHIEN THU PUIHUOINA

“Nathu kakeng din thaomei, kalampi a din khovah ahi” (Labu 119:105)

Vannuoi kichai ding thudol dihtah hoi a muthei ahi nahet em? Hiche hi ahi:




**“Thutah chu kichohtho’n,
kijuohdoh da’n” (Prov.
23:23)**

**“thutah chu he
uvin natin”
(John 8:32)**

**“Nathu chu thutah ahi”
(John 17:17)**

**“Nathu kihomjal tieng kho
jieng in, milham gei hetthiemna aneisah
thei e” (Ps. 119:130)**



**Phaat kichai khong khong ding tah leh Satan chun bolmo kidang
tampi abol ding phalpieh hiding, hepna thuhtah tahho chu koima’n
akalje ahetlou ding ahi (Rev. 13:13-14; Mt. 24:24).**

Bible hetna giltah leh Lhagao Thieng kithopina bou chun thudih a eidindetsah diu ahi (2 Pet. 1:19-21).


CHALPAANG A MOHOR KINAMPIEH

“Chujou chun ve uvin, Kelngoinou chu Zion muol chung a chu adin kamu’n, mi 144,000 toh ahi; amaho chu achal uva ama min le a-Pa min kisun ah ahi” (Thuphuon 14:1)

Pathien mohor chu lam thum a hetdoh thei ahi:

1. Lhagao Thieng. Khangtin a tahsan chate hiva chu mohor kinam ahi uve (Eph. 4:30).
2. Pathien min, ahilou leh ahina. Galjona chang jouse’n anei diu ahi (Rev. 14:1; 22:4).
3. Hetthei melchihna ahi (Rev. 9:4; Ez. 9:4).

Pathien in a-mohor Athupieh 10 sung khat ah akoi in, ama houte melchihna chuombek ahisah e (Ez. 20:20).



Mohor sung a kimuho	Vetsahna: Spain sumpum a kisun	Sabbath (Exodus 20:8-11)
Min	Philip VI	Jehovah
Lhinna	Lengpa	Siempa
Vaihopna Gam	Spain	Van, lei leh tuipi



CHALPAANG A MOHOR KINAMPIEH

"Chujou chun ve uvin, Kelngoinou chu Zion muol chung a chu adin kamu'n, mi 144,000 toh ahi; amaho chu achal uva ama min le a-Pa min kisun ah ahi" (Thuphuon 14:1)



Mohor le melchihna chu lam ni a chan thei ahi: chal ham, khut ham a chan thei ahi. Kitahte chal ah chang un tin, tahsanloute chal ham, khut ham ah chang unte (Rev. 13:16). Akikhiehna nahet thei em?

Chal

HETNA A
KIPOM

Ihoupa u
deibang tah a
houho

Khut

PHATCHOMNGAI
(Hahsat thuoh
ding
ngapchalou)

Kichat man a
mi sei dan a
houho



Satan chun iti kihou jong leh adei in, ahin Pthin in vang kitah tah leh lungthim pumpi a ama hou bou adei in ahi (Rom. 12:1).


KITAH TAH A PATHIEN HOU

“Chuche sahiem melchihna, amin chu ahiloule amin mohor neilou chun cho thei talou, juoh thei talou ahi.” (Rev. 13:17)



Sahiem melchihna kisaanlou sese'n choh le juoh aboltheilou diu, tha dia gih hidiu ahi (Rev. 13:15-17). Alangkhat ah, sahiem melchihna kisaan jouse gamna hise'n alhunkhum ding, “thi nina” chang diu, tuonsot hinna achaaan diu ahi tai (Rev. 16:2 ; 14:9-11; 20:4, 13-15).

Ahin, sahiem melchihna chu ipi mong hintem? Chip, barcode bang a tahsa sukhathei hintem?



Sabbath chu tahsan chate kimmelchihna, mu-thei tah a um, chu ahi leh sahiem melchihna jong chutobang tah khat hilou ding ham?



Bible in Pathien hou nikho akhellou jieh in, Sunday Pathien hou nikho a pom hi hiche nikho tungdoh houbung (666 kiti) thaneije pomna hilou ding ham?

Chuti ahileh hoiche thaneina joh chu ipom diu ham? Mihiem thaneije kihetna kiloikhomna chu ham, Pathien Thu a kimu bang tah a athaneina joh chu ham?



CHUNG A KUON THAHATNA


GO NUNUNG

"Zion chate...nangho mitdohna din aman go amajuhсах tan, go tui nieng tah a naneina diuvin asunlahah tho'i; masang lai a bang bang in go masa le go nukhah ajuhсах gel thei e" (Joel 2:23).

Thiemgao Joel chun Lhagao Thieng hung kibohlhah ding chu go juh toh atekah e (Joel 2:23, 28). Hichu Pentecost ni'n Peter in aguilhun tah dan ahilchien e (Solchahte 2:14-17).

Hiche "go' hin Pathien het chihna jong ahin lhuttha ding ahi (Hos. 6:3). Hijeh chun nikhat thu in asang a sim in pienthahna anei un ahi (Acts 2:41).

Israel gam hi Mediterranean tuipi pang a um ahijieh in go masa (October vel a ju) chun lei chu muchi tutheina aso in, go nunung (April vel a ju) chun muchi hatah a gadohtheina tha ape'n ahi. Houbung kipat lai a Lhagao Thieng go juh bang a ahung juh bang a, gospel thupha thejalna natosh kichaina, ga lokhom phaath, jong go nunung juh jouva hung um ding ahi; Lhagao Thieng chu khang kichaina tahsan chate chung a thahat tah a kibolha ding ahi (Rev. 18 :1).





GOSPEL THUPHA THEJALNA

“Hiche jou chun vantil thunei tah achuom khat van a kuon a ahung kumlhah kamu'n; aloupi chun vannuoi lesiet asalvah suoh jieng in ahi” (Rev.18:1)

John chun “vantil chuom khat” thanei tah a ahung kumsuh amui. Aloupi vah chun leisiet pumpi asalvah jieng tai (Rev. 18:1). Hiche vantil thusap ipi hin tem?

Vantil nina thusap toh kibang chet ahi: Babylon achim tan, nam tin asubuoh tai (Rev. 18:2-3; 14:8).

Lhagao Thieng chu thahat tah a, kitahtah te, “Pathien thupieh nit le Jesu thu hettuohsah jop” ho, chung a hung kumlha ding ahi (Rev. 14:12), amaho chun gospel thupah athejal jing un, thutanna hung lhun tah asamle un, mitin Siempa bou chibai din atiem ui (Rev. 14:6-7).

Mi tampi'n hiche thusap gimnei tah chu aja un, go nunung thahatna jal in lhenkah ding teni akihetchiet thei tauvin ahi: Pathien mohor ham, sahiem melchihna joh hi ding ham (Rev. 14:9-11).



“Houbung chung a Lhagao Thieng kibohlhah ding hi khonung thil ahibouve tin akigelji e, ahin hiche hi tutu a houbung chan ding lomtah chanvou kikoipieh chu ahijoi. Hatah in hol in, mu tei din tao in, tahsan in. Ichan tei ding u ahi; Van in pieh dia ei nga jing u ahibouve.”

EGW (Last Days Events, pg. 189)

“Thudih chu alungsung le ahetna gei alhun a, chuva kuon nungsun ahi tiengle bou Pathien lungsatna chu khat chung a lhung bep ding ahi. Tu phaata dia kipe thudihho jah le hetna thei lampi neilou hiel tampi aum in ahi. Thupieh lina nit tei ding kiti jong ahiding bang tah in koiman’n atahlah pieh po uvin ahi. Ahin, lungsung jouse muthei leh lung ngaito jouse patepji a (Pathien) chun thudih henuom jouse chu hiche ni nunung se le pha kidouna chungthu a lamvai dia achanglhalou hiel ding ahi. Thupieh chu hethiem hih jong leu nit jieng un kiti lou ding ahi. Mijouse’n thudih vah chu ahina bang tah a akimu diu, chutieng ama hetna le deilhenna tah a thulhuhna akisiem ding u ahi.”

EGW (The Great Controversy, pg. 605)